

Uputstvo o načinu iskazivanja podataka u godišnjim izvještajima u organima uprave Bosne i Hercegovine o rješavanju upravnih stvari u upravnom postupku („Službeni glasnik BiH“, broj 34/05)

Na osnovu člana 61. stav 1. Zakona o upravi ("Službeni glasnik BiH", broj 32/02), člana 286. stav 1. Zakona o upravnom postupku ("Službeni glasnik BiH", broj 29/02), a u vezi sa članom 13. Zakona o ministarstvima i drugim tijelima uprave Bosne i Hercegovine ("Službeni glasnik BiH", broj 5/03), ministar pravde Bosne i Hercegovine donosi

**UPUTSTVO
O NAČINU ISKAZIVANJA PODATAKA U GODIŠNJIM IZVJEŠTAJIMA U ORGANIMA UPRAVE
BOSNE I HERCEGOVINE O RJEŠAVANJU UPRAVNIH STVARI U UPRAVNOM POSTUPKU**

I

Ovim Uputstvom propisuje se način iskazivanja podataka u godišnjim izvještajima (u daljem tekstu: izvještaj) organa uprave Bosne i Hercegovine (u daljem tekstu: organa uprave) o rješavanju upravnih stvari u upravnom postupku, kao i obrazac izvještaja i rok za njegovo donošenje.

II

Izvještaj iz tačke I ovog Uputstva se podnosi Vijeću ministara Bosne i Hercegovine najkasnije do 30. januara tekuće godine za prethodnu godinu.

Primjerak izvještaja dostavlja se Ministarstvu pravde Bosne i Hercegovine najkasnije do 15. februara tekuće godine za prethodnu godinu.

III

Izvještaj se sačinjava na formatu A-4 koji se sastoji od četiri stranice, koje se nalaze u prilogu Uputstva i čine njegov sastavni dio.

Izvještaj može biti izrađen na računaru s tim što mora sadržavati formu i podatke iz stava 1. ove tačke.

IV

Obrazac iz tačke III ovog Uputstva popunjava se na računaru, pisaćom mašinom, odnosno tintom ili hemijskom olovkom.

V

Ovo Uputstvo stupa na snagu danom donošenja, a objavit će se u "Službenom glasniku BiH".

Broj 01-02-273/05
marta 2005. godine
Sarajevo

**MINISTAR
Slobodan Kovač, s. r.**